

docsvip 文川网  
入驻商家  
在文川网搜索古籍书城 获取更多电子书

中國方志叢書·華中地方·第一五六號

據  
清光緒八年  
吳景燾  
刊修  
本


影印

江蘇省

# 宜興荆谿縣志

(二)

成文出版社有限公司印行



\*10106034\*



中華民國六十三年六月臺一版

# 宜興荆谿縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

docsriver 文川网  
入驻商家 古籍书城

在文川网搜索古籍书城 获取更多电子书

宜興荆谿縣新志卷之五

武事

營汛記

陽羨毗連之境爲邑六爲州爲郡四爲省二巖深而川迴地曠而界緜蓋防禦之奧區也故山有三域之華水立十寨之軍唐宋及元兵制更變至明中葉邑人史孟麟疏請設同知一員於長興接界管常湖二府捕盜事銓部以同知權輕宜倣江西九江諸道兼管闕楚州縣事例專設一道下所司議湖州守巡格不報語見舊志然今者事勢與昔又異昔虞水盜今更在山葦自太湖水師兼轄江潮而畛域不分相國會候又加裁變易守

備爲都司任權既重聲勢相連卽有漁戶雇民徇偷鼠竊萑苻  
之聚蓋茂聞焉揆諸孟麟之議固異事而國符而南山自張清  
湖沒直達長興廣德閩越封禁之山往時溫台泉漳客民結棚  
種山謂之棚民稍有灾祲往往不靖今自克復以後人稀墟僻  
百里之內十室九空孤棲者或畏盜而棄逃羣聚者或借居而  
窺伺良恥既去奸黨益來彼蒙宥於

國而獲罪於鄉遁離桑梓窟匿警署狙伏久而輒思蠢動者前  
事可鑒已又況楚豫淮海之民流離蟻屯烏合獸散方俞禱而  
俗俞悍悍則易動禱則難稽夫以易動之民澗難稽之緒復縱  
之於荒僻無人之區其爲後害非恆言所能盡也人知慮此必

曰增營增營而不得其術與無營同夫張渚湖設營弁未嘗無守也汎兵未嘗無名也其所鄰界亦未嘗無協防之營而轄之汎也而各有責成則互相推讓嘗見盜劫某村釐卡水師近在尺咫更鼓如常警礮不發彼以爲主客之師不相謀不相累也及地猶然況隔省之事乎如此則軍制將日頽民生將日促盜心將日肆寇患將日萌誠於交界之要隘設專闢之重員三省邊隅悉歸統轄巡緝其游民編管其居戶則奸宄無所託迹而流逋可以歸耕險曠之境變爲肥腴兵制立而農政修固萬世之利也然而或畏更張或虞僣億阻撓之說勢所必有非眞恤民轄力排眾議者烏能使陸營之制同善水營哉嗟夫大憲初

削小醜未芟伏莽之戎宜籌未雨今卽道光以來水陸營汛之更制者著於篇孰得孰失覽者自知焉

常州營右軍守備一員駐宜興署在城南門內旁有演武廳下有箭道城外有教場兵燹後均燬千總一員駐宜興和橋外委千總協防駐湖濱把總一員駐荆溪徐舍外委把總協防駐張渚額外外委一員在城差遣俱見舊志咸豐五年詳請添設額外二員一駐梁谿橋一駐楊巷光緒二年添設橋汛調防周鐵橋額兵一百五十五名馬戰兵六名外委千總一員外委把總一員額外委一員在內步戰兵三十七名守兵百十二名克復以來兵數未足僅止四成見克者六十名外委千總外委把總額外外委並添設兩額外外委在外馬戰兵一名步戰兵二名鎗戰兵二名守兵四十八名書識五名松江提塘一



原稿不清

名南東  
塘一名

軍裝兵械咸豐年悉遭焚燬歲支廉俸糧餉馬

乾銀兩

志

水師營舊制太湖右營守備駐宜興營在周備橋轄千總一員

駐陽湖境山馬蹟

把總二員一駐吳縣境山

一駐荆谿鳳川外委

三員一駐吳縣境山

一駐陽湖境山

馬蹟 一駐無錫境山 額外

外委三員一協防吳縣境山一巡湖一隨巡額兵三百八十二

名 舊志作三百九十六名分數與總數不符今據水師營開舊  
舊制馬騾兵六名即係外委及額外外委舊志作十一名內

有外委千總一員外委把總二員額外外委一員步戰兵各官  
八十三名舊志同守兵二百九十三名舊志作三百三名

例馬三十七匹 舊志 同治十二年新章裁撤酌留馬蹟山陸汛  
未載

兵二十五名 馬戰兵一名即陸汛駐馬蹟山之外委改太湖左  
步戰兵五名守兵十九名騎操馬一匹

武事 營規

營中軍都司爲右營管官駐荆谿烏谿鎮署址教場係管官自

行購地署尙未建轄千總三員一駐陽湖境馬蹟山爲前哨一隊

一駐無錫境獨山門爲右哨一隊其左哨一隊駐荆谿烏谿口把

總六員兩員駐武進境丫河爲後哨一隊二隊一駐無錫境山

爲右哨一隊一駐陽湖境馬蹟山爲前哨二隊其左哨一隊駐

荆谿烏谿口一員駐亦駐烏谿外委八員兩員駐陽湖境馬蹟山

爲前哨三隊四隊兩員駐無錫境獨山門爲右哨三隊四隊兩

員駐武進境丫河爲後哨三隊四隊其左哨三隊四隊兩員駐

荆谿烏谿口兵二百九十六名舵兵十八名頭兵十八名礮兵三十六名藥兵百九十二名

書二名書識二名八圍舢板兩號每號舵兵一名頭兵一名礮兵二名藥兵十六名共二十名

十名差兵十名

官管帶一號

把總管帶一號

長江舢板十六號

每號船兵一名頭兵一名  
隨兵二名槳兵十名其十

四名千把外委等  
弁各管帶一號

坐船十九號

內管官二號千把  
外委等弁各一號

常州營右軍左哨千總駐宜興和橋鎮轄東北九汛兼及荆谿

宜興東汛口湛瀆和橋鎮谿下鄉高陸

六汛荆谿南施蕩橋湖沒併湖三汛

界連陽湖吳縣浙江長

興縣一自和橋汛東至大浦港係支河與太湖右營左哨  
及前哨分界南岸屬荆谿北岸屬宜興出港入太湖係吳

縣境距汛計程五十里一自汛南至湖沒係支河與水師太

湖右營左哨分界屬荆谿入山陸路與浙江長興縣接壤距汛  
計程六十里一自汛西至高陸汛係支河與水師太湖右營

左哨分界竝與本軍右司分界屬宜興距汛計程三十里一

自汛北至五洞橋係幹河與水師太湖右營後哨水陸分界竝  
與本營中軍東汛分界橋內屬宜興橋北係陽湖縣境距汛計

程七十里一自汛東南至烏谿港係支河與水師太湖右營

左哨分界屬荆谿距汛計程四十里一自汛東北至分水墩

係支河與水師太湖右營左哨分界竝與本營中軍東汛分界  
南岸屬宜興北岸係陽湖縣境距汛計程二十七里一自汛

置前

武事

營汛

營汛

西南至歸運橋係幹河與水師太湖右營後哨分界茲與本軍  
右司分界屬荆谿距汛計程七十里 一自汛西北至北瀾湖

邊係支河與水師太湖右營後哨 右軍右司把總駐徐舍鎮轄  
分界屬宜興距汛計程十八里

西南七汛兼及宜興 荆谿城塘 橋徐舍下新橋王家橋  
張清五汛宜興福佑楊巷二汛 界連金

壇溧陽武進浙江長興縣安徽廣德州 一自徐舍汛東至西汛  
北岸城塘橋汛係幹河

與水師太湖右營後哨分界今岸屬荆谿北岸屬宜興距汛計  
程二十里 一自汛南至歸運橋係支河與水師太湖右營後

哨分界茲與本軍左哨分界屬荆谿距汛計程十里 一自汛  
南至張清係支河與水師太湖右營後哨分界屬荆谿向南陸

路與安徽廣德州接壤東南與浙江長興縣接壤距汛計程三  
十里 一自汛西至渡濟橋係幹河與水師太湖右營後哨水

陸分界茲與溧陽營分界橋東屬荆谿橋西係溧陽縣境距汛  
計程三十里 一自汛北至北瀾湖邊莊河港係支河與水師

太湖右營後哨分界茲與本營中軍東汛分界屬宜興入湖係  
武進縣境距汛計程五十里 一自汛東南至併制汛係幹河

與水師太湖右營後哨分界茲與本軍左哨分界屬荆谿距汛  
計程十里 一自汛東北至朱家瀆係幹河與水師太湖右營

後哨分界竝與本軍左哨分界屬宜興距汛計程四十里  
自汛西南至樂成橋汛係支河與水師太湖右營後哨分界屬  
宜興距汛計程十五里 一自汛西北至新建係支河與水師  
太湖右營後哨分界屬宜興竝與金壇縣接壤距汛計程四十  
里 一自汛西北至楊巷汛係支河與水師太湖右營後哨分  
界竝與溧陽分界南岸屬別路北岸屬宜興距汛計程三十里  
一自汛西北至長蕩湖邊係支河與水師太湖右營後  
哨分界竝與金壇營分界屬宜興距汛計程五十三里

**太湖水師右營左哨千總把總兩外委駐烏谿口** 其汛地東至  
馬蹟山之西

湖汛中與本營前哨分界 南至董塘港十八里與浙江太湖  
營夾浦汛分界 西至東沈西岸之土地堂四十五里與常州  
營右軍東汛分界 北至東沈之男畱口三十里與常州營右  
軍東汛分界 東南至太湖申汛四十里與浙江太湖營夾浦  
汛分界 西南至鳳川十里以沿湖大路與常州營右軍東汛  
分界 東北至大浦港口三十里與常州營右軍東汛分界又  
沿湖邊與本營前哨分界 西北至烏谿口內陸地照舊制以  
石版官路與常州營右軍東汛分界 其市鎮水陸分界處蜀  
山鎮與常州營右軍東汛分界鎮南以牛欄灘南岸為界鎮北  
以雙廟頭港口之北為界自烏谿之蜀山鎮計程十二里係荆

武事 營汛 五

錫境獨山門其汛地與宜興荆谿無涉右營前哨千總把總兩外委駐陽湖

境馬蹟山其汛地與宜興荆谿交涉者西至大浦港三十五里

界西北至東沈東岸男雷口五十四里與常州營右軍東汛分

界市東以北岸土地堂東面為界市西以東流瀆港口南岸為

界係宜興支河至橫塘市計程三十里其南北兩岸俱係極小

汛右營後哨兩把總兩外委駐陽湖境丫河口其汛地與宜興荆谿交涉者南

至西沈東岸西關外百二十里與常州營右軍東汛分界西

至瀟湖西岸湖濱口六十里與常州營右軍西汛分界東南至

和橋七十里與常州營右軍東汛分界西南至西沈王舍港

口百二十里與常州營右軍西汛分界其市鎮水陸分界處

鍾谿橋市與常州營右軍東汛分界市北以五洞橋北頭為界

市南以沙橋港口南岸為界係宜興幹河至聚隆橋計程五里

聚隆橋市與常州營右軍東汛分界市北以小港口北岸為

界市南以蘇樹橋南頭為界係宜興幹河至歸美橋計程九里

歸美橋市與常州營右軍東汎分界市北以費家橋北頭爲  
界市南以車口橋南頭爲界係宜興幹河至和橋計程十里  
和橋鎮與常州營右軍東汎分界鎮北以青農橋北頭爲界鎮  
南以莊瀆橋南頭爲界係宜興幹河至岳亭橋計程十六里  
岳亭橋市與常州營右軍東汎分界市北以錢家橋北頭爲界  
市南以長生橋南頭爲界係宜興幹河至杏里橋計程十里  
杏里橋市與常州營右軍東汎分界市北以太子橋北頭爲界  
市南以慶源橋南頭爲界係宜興幹河自鍾谿橋起至森源  
橋止其東西兩岸俱以河邊與常州營右軍東汎分界自森源  
至宜興東倉橋繞過城河十八里出宜興縣之西汎東至西四  
十餘里南至北十餘里與常州營右軍西汎分界又由西汎北  
岸九里至城塘橋十里至馬公蕩港瀟瀟湖南至北百餘里東至  
西四十餘里與常州  
營中右二軍分界

右城守及水師營制皆兵防也其弓兵捕盜賊隸於縣僚鋪  
兵遞文書歸於縣驛宜興下邳巡檢鍾谿巡檢弓兵各二十  
一名增編楊巷分防縣丞弓兵三十名荆谿張渚巡檢湖汶

巡檢弓兵各二十一名見分志田賦解支宜興鋪舍六所鋪  
兵二十一名減至十四名荆谿鋪舍七所鋪兵二十一名減  
至八名見分志田賦解支及營建鋪舍者皆與營汛無關又  
克平以後兵數不全有名無實前編既詳茲不復載

咸豐同治年間粵寇記

深山絕壑龍蛇是鄉幽林邃谷豺虎遁藏星散雲攤毒難防  
上之人忽不加意視爲無傷蝨居養患魚爛貽殃洪楊之亂前  
鑿至彰也宜興荆谿在江蘇省爲皖浙要地互萬嶺於西南繞  
五湖於東北水陸衝隘勢所必爭數百年來不見兵革文嬉武  
弛士惰民踰桑杜網繆置焉勿問自粵東花縣洪秀全以童



被黜傳天主教於粵西桂平界之鵬化山嘉應楊秀清等推  
之蓄髮山箐間歸教者眾秀全轉入佛山鎮為盜魁秀清以兵  
法部勦其眾私置官號道光三十年六月在桂平金田村聚眾  
叛前後

欽差大臣皆以疾卒賊益猖威豐元年正月洪秀全偽稱太平

天國改字為國元年逆眾由金田出關經入崗水至大黃江官軍不

能遏二年莫襄漢閒陷武昌三年正月沿江東下旬日關自旋

慶至金陵勢若擣虛吳中悉警風鶴宜荆兩邑訛言尤甚正月

九日城中訛傳賊下東壩居人皆狂奔奪城出曉明方止時賊尚未至江甯也賊既陷江甯破鎮江向

大臣榮以軍追至營於孝陵衛逼通濟門奪其要害賊不敢啟

docsriver 文川网  
入驻商家 古籍书城

在文川网搜索古籍书城 获取更多电子书

東門後向帥退保丹陽張國樑復進營孝陵衛故東方諸郡縣

賴以安者七載而宜荆孔道諸處過境兵擾幾無虛日城鄉保

衛之局有名無實宜荆兩邑自江甯陷後於城隍廟之瀛園設保衛探報局後復令兵商為聯絡進行城郭

凡數千人兵仗旗幟甚盛鄉市亦他盜或乘間竊發官民死者

有之然皆美觀而已逾年罷廢

往往而有江甯陷月餘南山棚民欲作亂荆谿令景其淫擒二

至荆谿湖沒山中復誘棚民作亂山中人擒之送縣杖法六年

五月賊將犯溧陽因守兵甚眾退圍金壇官與震動有盜夥掠

官材監生芮禮及其子應所率村眾擊之追至南莊中賊火槍

父子俱死豐義村武生儲江等迎擊之與同族儲士林儲喜名

儲真牙皆死七年四月盜至江步村村人復擊之盜殊死鬪斬

建市人蔣迎法西周野人曹福魁皆死焉邑令前後以賊上

聞死事者賜卹人忠義祠其實皆盜之假賊旗幟者也

八年八月太湖盜舟泊蘭右港村人聞於縣守備方錫榮率卒

十餘人往捕錫榮素以勇聞盜遇之披靡追至蘭山中伏盜然

火槍死守兵吳洪明葉順貞與焉甲人余際儒作詩記其事

市肆貿易日盛城鄉會劇如恆積薪厝火若不知寇之近在二百里外也

十年春二月宜興戒嚴

賊久據江甯民皆視為故常二月內申朔聞張國樑克上關下關方謂金陵指

日可復初三日晚聞廣德失守合邑大震廣德與邑接壤賊擾

潘詞橋烽火達張渚時兩邑方奉學使檄於初八日接試開警

乃止時人心惶惶遷徙相繼十二日夜訛言賊已驟至蘭石滿

城鼎沸天方大雨居民扶老攜幼冒雨奔城外徹夜不絕

明蘭石舟入城始知其誤至暮而長興失守之耗至

鄭魁士帶兵四千駐宜興西門外履舟中

邑令及紳士往謁均不報部下兵頗不戢

劉季三來代之 劉季三以兵來代軍容甚肅一卒盜民銅鑪立

張清布置數日而還二十三日賊陷溧陽劉聞即帶兵兼道至

城西鄉烽火連日徹夜二十五日賊由溧陽分二股一竄張渚

一從楊巷至官村徑趨邑治

所過之地鄉民死者無算 癸丑賊至張渚鎮巡檢程芳祖死

武事 粵寇

之賊分道犯張渚初至鄉人疑為官軍荷擔而觀賊出不意殺  
人人始駭遁巡檢程芳祖直前當賊馬大呼賊刃其手斷指  
主乃趨入署告家人賊後至殺之妻崔殉焉賊焚殺經日始去  
後數日有新招勇數百人領兵官自言都司王克昌駐張渚南  
承福殿鄉人疑為賊是日蔣懷芳率鄉人拒賊於蔣坵南之趙  
也圍而焚之盡燬焉

**家渡** 賊別股由西南竄東北蔣坵村民蔣懷芳聚眾議曰賊徑  
所由必無完室吾村亦孔道若任賊過往將雞犬不留矣

不如設寨於橋而阻趙家渡以守之賊可禦也乃東結芳莊西  
結蔣墅招獵戶守趙家渡時六科圩亦多獵戶阻谿以守相為

犄角賊小隊由開道者甲寅賊犯西門劉季三擊柝之賊自西  
追截無得脫軍聲頗振

驅抵城下劉軍出擊初失利劉親督戰時賊眾數萬勢猖甚官  
軍奮力相抗數十合賊猶不退劉軍扼常富橋而守見事急親

然大礮轟賊會新調礮船亦至槍礮齊發賊前後受敵官軍復  
以鐵騎矚之賊乃還走日晡收隊是日居民登城觀者無慮千

百人劉入城民皆設香案跪迎慶更生焉方賊犯是日貢生許  
西北鄉城中尚謂巢湖船滋事至是始知為賊云

**鳴離結團於樂成橋拒賊** 賊既西南犯張渚西北蹂躪山亭神  
安清津諸鄉時鳴離為許氏宗長集

族遺千人於祠前謂之曰前年大府飭鄉民團防邑合以勞歸  
 子狀雖未上心甚愿焉今賊勢如茲為之奈何言畢出投水  
 急救起感泣交奮竊南傳近諸村皆按戶出了以白布作  
 首備曰白頭兵阻樂成橋以拒賊之自北至者遠近聞之雲合  
 響應鳴離復西結芳莊蔣坵蔣墅六科坵  
 為榮援數十里內望之如荼聲勢甚壯  
 乙卯賊回竄宜興西  
 鄉賊自敗後回竄許讀橋豐義上黃琅圩安樂村金紫圩義成  
 圩西田村大潭圩皆結團禦賊惟大潭圩四面阻水賊不能  
 至其餘則戶  
 丙辰賊奪趙家渡蔣坵橋鄉兵俱潰蔣懷芳被焚  
 橫遍野矣  
 死西鄉近溧陽每日被賊焚掠故圍守諸處歸附日賊城中紳  
 士如程嘉熙蔣嗣珍潘澤霖徐鳴皋徐宗襄為奎光路保和  
 路敦仁等與典商夏某籌捐設協濟局於岳王廟置軍械火藥  
 以應西鄉義團之需城鄉聯為一氣探報不絕於道是日賊大  
 隊至趙家渡蔣懷芳所圍義勇有  
 史能書者蔣聖人與六科里  
 李喜大以藝相高乙卯夜賊踞溧陽境之南壩里李喜大隻身  
 往擊賊夜遁能書聞氣益壯賊結筏趙家渡口有勸能書早發  
 槍者能書曰俟其近而擊之賊奴可多殺也此發賊槍突至能  
 書洞喉死人心克懼賊因克乘筏急渡槍斃轟天鄉兵還走至  
 蔣坵橋懷芳酒鳴金呼殺賊為賊燔死越二日賊復乘桴潛渡

置可金...

卷五

武事

粵寇

身被槍意氣自如賊數十人不敵逼  
閏三月己酉蔣站橋復

守自蔣站民兵之散六科圩無可復守室廬遭燬火三日不滅

賊大隊既擄鄉民數十萬閏三月脅之西上攻金陵大營漂

陽賊有出掠者多不過數十人見民兵輒遁時被追殺有自賊

軍逸出者民兵亦以為賊而殺之小捷之音屢報不絕許鳴陸

復約六科圩勇阻竊扼守遣人至蔣站橋相度地勢或曰陸

路可衝而過水道難飛而渡也不如築壘於趙家渡縱難遏賊

猶不至多殺人不然則毀橋以阻亦  
夏四月甲子朔賊攻蔣站

橋三日橋不守西鄉義勇皆潰許鳴陸死之  
賊攻金陵大營張

大隊復至溧陽西鄉義勇多集蔣站橋邑中紳士請派礮船五

號分助鄉民戰守賊攻蔣站橋礮船兵丁畏賊不敢近礮發皆

虛鄉民以為通賊也環集營之船遁還入賊張清人余振率火

槍隊來助守賊至多死迭攻三日不退賊益眾余振然礮發

輒殺數十人積尸高與堞齊礮裂兵亂賊乘尸以過余振揮巨

刃連斫數人刃折為賊所殺民兵多死眾遂大潰執旗者皆士

人賊至不肯退數十人皆殲為噓離間投於樂成橋下被救後

親族強負之入舟至邑東西望圩數日間常州陷衣冠日經於

帳中自是城已已到季三退屯無錫賊逼常州總督何桂清派居民城守三日至是亦陷

劉於是日得耗密飭軍退城中人不知也逮晚軍皆飽食以待

聞合拔營隊伍盡失季三將行兩邑令及紳士涕泣求之不應

繼以窮請乃曰諸君留我庚午邑中紳民會議守城對兵既去

是殺我也遂行峻船亦遁城中空虛

各局紳士與兩邑令議城守募勇數百人日夜巡城長淮頭巷

糧船久駐宜邑有六品監生錢煥者前辦聯絡軍容最盛至是

首出費集眾丁增備器械與南義社局聲勢相倚更用划船上

數號列旌旗於水道盤查嚴密而生者往往往冤死時近城官與

西鄉十數里或訛言質庫物還原主不取典價鄉民如潮而至

徒手欲取質物質庫不聽譁鬧將肆掠局中遣勇探視遂縛鄉

民解縣斬於城隍廟前鄉民憤後復持械聚西城下聲言攻城

焚張睢陽廟廟故靈異至是付之一炬城東西北三門皆閉紳

士督勇登陴拒守殺獄中死囚餘皆釋放鄉民縱火燒三城門

城中勇丁突出論斬鄉民來益眾相持不下者數日或謂強賊

在近而取怒於民非計也乃議解散即遣人賫函邀周子斌入

城子斌者成任為歲貢生素著義聲為鄉黨所重既至城鄉民

圍城下子斌登陴呼諭之相率散去城中酌酒相慶時因內訌

探報中絕尚不知郡城之陷也居民徙於鄉者稍稍進城至十

武事

粵寇



三日城中緊  
增數千人  
丙子賊陷宜興荆谿縣知縣田濤守備洪長慶出

走偽輔王楊輔清率賊數萬自歸美橋而南十二日晚至和橋

沿途縱火徹夜火光不絕十三日午至三里橋人有逃入城

者呼曰賊至矣人尚以為惑眾也欲擒之其人疾走有頃賊騎

入北門出南賊門南義社團勇要諸路賊少卻居人奔出南門

抵崩湖浦不可遏止不及者或縋而出或躍而下其出城過深

谿橋者多得免沿河至狀谿者遇賊盡擄入城中紳士多死

文武官弁在麻署者聞然而散荆谿縣知縣田濤守備洪長慶

聲言迎擊先時出城不返宜興縣知縣周守典為賊所得偽為

醫生得無死賊踞城後大肆搜牢執人索金不得

則殺之餘金不多亦殺之前後被害甚難殫數

戊寅賊四出

焚掠賊陷城後城中男婦分隸兩館羈之如囚越日下鄉劫掠

騎馬賊數輩先至村入室屠居民騰落老弱婦女多遭戕

害強壯者脅以去有一賊而縋墜數十人者財帛牲畜未殺盡

撤入城謂之打先鋒其初不出十里繼至數十里外日暮必歸

城如是者十數日民多駕舟避賊無舟者規賊所向而避之

宵十起夜不帖席僻近小圩無不至者又有流賊自西北來應

豐義官村復新瀆河宿雲霧紅塔頭等處沿途焚殺尤慘越三

日自蜀山一路往湖州監生潘光鈞等結鄉民視其過半截擊

之賊且驕且奔襄者多得脫光錫受傷死鄉民亦多戰歿而  
漕橋以南又有賊將李遠繼者率匪數萬盤踞二十餘日傅近  
居民被殺者甚眾云 五月甲午朔賊空城去乙未賊繼至戊申復去庚戌

賊將入據之 楊輔清議上竄四月晦日勒眾全隊出城婦女馬  
騾皆棄之至五月朔城遂空近城居民陸續入城

城中人在鄉者亦入探視其時錢米山積衣服器具備是村民  
多擔載以去或駕舟運物出水關水陸往來絡繹不絕至城

中尚有數千人初二日午常州偽將黃文金突至不及避者皆  
死縱火焚東門大街房屋十五日日文金復出城上竄雷廉賊守

宜城闕兩日賊將李遠繼率眾入城更出焚掠十餘日始止 潘社頭村民劉星臣結團拒賊

六月為賊所破 賊四出焚掠民多結團拒之最著者猷護圩與  
賊力抗十餘日殺賊甚多湖沒鎮警各止界亦

糾眾拒賊溧陽賊竄張渚入山者山中居民戶出丁邀擊多有  
殺傷然皆不逾時而敗惟襄王界地勢峻峻例貢生湯新惠等

結柵拒賊賊至輒卻後四面環以眾潰新惠等戰死自三月至  
六月歷時最久潘社頭劉星臣者素有豪氣負幹畧與劉惠亨

等糾集村民結柵而守斷社竄龍眼二橋扼險設卡首率眾掩  
殺斬賊數十人獲槍礮器械無算賊不得逞六月二十一日賊

武事 粵寇

大股復至黃衣賊日先登惠亭發槍燈之賊遂退二十三日賊  
傾眾而出建大旂於黃沙瀆屋上指揮賊眾龍衣賊日驟馬直  
前六騎從者皆悍賊劉星臣等槍斃其三橋北民團二千餘人  
呼譟相應賊懼將退忽東南風起飛沙揚塵日不得瞬賊鼓譟  
面上惠亭發槍風返蕪其面眾大潰是日北至沙坂東至橫塘  
古清匯數十里房屋一炬皆燬死者不可勝計星臣得逸去

秋八月賊出偽榜趨貢

諸團悉敗賊亦厭兵稍稍安靜不復出  
城肆掠賊將湯惟俊來據城出示安民

憲令貢獻各鄉設立軍師旅帥百長司馬置局日鄉官局自旅  
帥始總其事者日監軍立局城中為鄉官局總匪民有訴事者  
杖責牢禁不少貸每鄉軍帥二三人師旅帥以次遞增初設門  
牌令每戶約錢其後偽將劉佐禹來代劉視諸賊性稍馴約束  
部下不令出城但令鄉開納糧索糧冊莫肯出或得志書一部  
獻之悉其田額遂令各區獻冊按戶征搜莫得遁隱然是時賊  
方攻浙江流寇尚少四野耕種得不失時而溧陽之賊至宜興  
荆谿境敲磚煎硝數里輒設硝館白晝鑽穴鑿坯聲丁丁然相  
應一方皆洞四壁魁完其無硝可煎者姦賊謀詐亦遭摧斫又  
索民柴火干章之材百圍之木為村落邱墓蔭庇者斬伐靡遺  
樹神夜泣或督民充役名曰排天役常數百人趨事稍解輒加  
鞭撻凡賊有取求多下鄉官局資應之費皆接賦苛派又派賊

捉船料薄民多沈船水底曠至不及起者家屬多為賊執賊  
站不論多少猶途供給晚宿村上雞鷄皆盡初僅率系響乃  
大又盡毀祠廟取材為偽署脅民運送入溧陽城四處皆設  
卡初祇鎮市後設鄉開米盈石布成匹皆稅之人莫敢忤市最  
盛者為大浦左右設卡尤密商賈雲集交易日數十萬金賊以  
為通省都會流賊亦不敢擾難民依大浦者化居皆得厚利一  
人在市餘悉坐食然薪桂米珠久而會盡疫又繼作溝疇道殣  
目千餘人好義者襍菽豆為糜吞蘆葦為棺亦不能徧給也

### 十一年春正月劉星臣等復集眾於長興西川界名與義軍

庚申歲据城逾年官軍不至民不聊生廩生許士熊作討賊檄  
平餘言詞氣抗慨聞者感泣長興境有西川界山峻嶺其狀  
如馬口狹而中闊上通廣德下達夾浦劉星臣相度地勢糾集  
義勇舉人潘鼎英監生張文衡等廣勸細富出資置備器械廣  
招獵戶善火槍者加以訓練時湖州堅守生員謝文雕隻身至  
湖城請兵趙忠節忠節頌發興義軍鈴記並下檄獎諭軍聲頗  
振  
秋七月戊申興義軍攻賊青峴嶺  
時青峴嶺為廣德孔道湖  
防要路勢在必爭張文衡  
等議攻之常州左軍外委徐雲彪出隊賊据外營噉子如雨我  
軍奮勇向前雲彪率旂手蔣盤龍等踰濠入後隊大呼競進聲

武事 粵寇

義山谷賊且戰且走屢斬悍賊數十槍斃黃衣賊目毀賊營五  
 奪獲旗仗甚多賊退守內營由是環近白峴七都八都東西山  
 諸界均一氣聯絡賊號令中斷八月庚寅復攻青峴嶺劉星  
 應賊乃發告急文書於蕪湖賊矣臣等  
 選集精銳分三路進攻中路直趨賊營左右齊發賊懼退避復  
 有他隊賊自伏牛嶺來密遣義勇尾擊前後夾攻殺賊甚眾賊  
 復從小路衝突眾迎擊之槍斃賊目三人峇中鼓譟助威以  
 石子投賊遂大潰奔伏牛嶺而去湖州差弁過境在山上望之  
 民兵戰士無不九月癸巳攻白峴嶺九月二日劉星臣復督  
 一以富十者社頭及城西之勇徐嘉彪  
 率本哨兵同攻白峴嶺悍賊以命奮力抵拒興義軍賊內申興  
 亦愈力賊知不敵俱退走遂連毀賊營數座斬賊百餘丙申興  
**義軍潰於西川界**賊既屢敗乃大股自分亦嶺趨湖汶直竄西  
 不能戰卡內義勇齊出攔擊槍斃並發連斃悍賊十餘人黃城  
 賊目二人賊暫退初五日賊分數隊並進城中之賊自革嶺青  
 峴之賊自大全口張清之賊自懸麻嶺蕪湖之賊自首嶺鎮眾  
 寡不敵界遂破凡起義二百四十餘日大小數十戰殺賊盈千  
 至是力竭為賊所乘劉星臣等均逸去據官報將令劉星臣  
 尋獲劉星臣惟張本備以毋喪先出

民殺流賊在張清者

先是據城賊安民民尚得耕作至是流賊大擾正月開掠東北鄉三日而去西北則

新芳橋一帶盤踞兩月九月開湖州敗回之賊數十萬蹂躪丁蜀山等處焚掠一空煙火幾絕城西則為襄王劉官芳大股竄西畚歸達橋等處焚擄數十里民皆駕舟以避明年二月又至五旬始退十月有鄭姓賊據張清性尤凶悍日肆劫掠所過村莊無不殘毀時羣賊俱無統紀人眾者雄城中賊令各軍帥督民備槍礮器械攻鄭賊於張清連戰數日民死無算

同治元年夏五月潘家壩村民糾眾擊賊

潘家壩在城西南通煙山陸路北距大縣

賊由溧陽至輒肆掠被害最先民仇壯負氣與賊鬪死者甚眾同治元年春僧生潘銘與族人福昌議凡外來水陸賊過境輒尾截之奪獲衣裝器械旂幟還以拒賊小隊之賊無生還者六月賊大隊過潘家壩村民取

其後隊

村民禦賊宜興據城偽將頗知之但飭其黨避道勿過而已六月中流賊大隊過潘家壩有兩小隊後至知村

民之多斃賊也分兩路入村將肆殺掠一擊村南一攻村西禦者奔命忽見遠村有旌旗蔽道賊驚退村民逐賊擒殺始盡皆謂神助自是過境秋八月賊掠東鄉及宜興境之西鄉

賊不由潘家壩矣

武事 粵寇

三

docsriver 文川网  
入驻商家 古籍书城

在文川网搜索古籍书城 获取更多电子书

為忠王李秀成率眾數十萬自浙由宜興往援賊兵駐大浦東  
北鄉及東南鄉殺掠無虛日居民既盡乃入水搜括東沈及下  
裴前聖陽山諸蕩橫嶺塘河各處避難船隻悉得免者該旬賊乃  
上竄宜興西鄉揚善一帶及荆谿西鄉之近楊巷者皆被蹂躪  
二年春正月流賊四掠偽首王范汝賢及偽戴王偽體王三賊  
萬宦宅為偽王府其二賊及部下眾盤踞各鄉時民已十室九  
空有船者多趨西賊賊按船索貢日肆搜括久之突出擄掠人  
船俱為賊有田皆焚草戶斷炊煙自二月訖入月二月西鄉民  
賊始棄去四鄉蕩蕩如流賊之既至斷絕矣  
兵聚於潘家壩擊賊屢勝之潘家壩民久與賊持二月朔防保  
往潘家壩起義另立一軍於壩南之趙圩來歸者雲集擊賊屢  
勝然賊來本日嚴禁諭募借族孫上林往依之子龍見勢不支  
以軍事付諸募自往甯國求援至溧陽之大山界得疾歸詒募  
偕白文榮等十七人代往見總兵劉松山求援不應還遇賊多  
關三月潘家壩陷賊迭攻潘家壩村民力戰相抗互有殺傷三  
死三月潘家壩陷月下旬賊大隊由溧陽三面來攻會大霖雨  
槍礮不得發賊如時流賊遍城外無所  
牆而進民兵遂潰得會皆取民田麥為



糧餉亦令其盡至宜與荆谿境割麥時遣三城之亂民皆  
伏處草莽將俟賊退收麥自給賊既盡割以去民歸無食草根  
封皮刺強俱盡  
有蘭村餓死者  
秋八月庶吉士任傳綸知縣潘澤霖奉檄辦團

練於吳江之莘塔先是西川界興義軍破後邑紳士周庶常家  
樹在靖江合七邑紳民設團練局籌資募勇

備械儲糧相機進與賊畫江而守時時遣謀離間諸賊賊  
疑不安其後周庶常入都知府倪寶璜主之許子龍為湖州乞

援曾帥亦陳興義軍練勇狀至是曾帥檄任庶常傳綸為宜荆  
長興團練總辦李爵相時以巡撫駐上海收復常熟吳江江陰

亦檄候選知縣潘澤霖為會辦別設局於吳江之莘塔宜荆練  
勇散者俱聞風而至槍礮器械畢具時大浦商賈輻輳髮者

至賊亦不甚盤詰莘塔地濱太湖既設練局與大浦聲息相通  
潛遣人入城諭降並論大浦守卡賊蕭姓羅姓時官軍方進攻

蘇州羣賊心慚願投誠賊將其思反正城中  
蕭羅二人先納金助餉冬十月賊掠大浦為將劉在清其謀甚

秘大浦鎮蕭羅二人於商民積久相安流賊至鎮市不易肆民  
饑或出資助振既欲投誠輸款令部下皆出資時為侍王李世

賢在溧陽賊黨楊某遣往告世賢襲至大浦蕭羅二人往迎  
世賢作好語相慰後復入覓於座上叱縛之縱賊大掠商賈駭

武事 粵寇